

quidem in affecta eum aetate deserit. Themistoclem ferunt dolere solitum, si quando opificum ante-lucana victus esset industria: ego verò de Patre meo hoc affirmare ausim, hanc laudem ita ei propriam esse, ut nemo opificum matutinas ejus horas vigilantia sua antecesserit, siquidem integris sit viribus & benè affecto corpore. Illud enim semper ingeminare & inculcare nobis pueris solebat. Auroram esse amicam Musis, neq; ab hoc more suo digitum transversum vel latum unguem in hac aetate discedit. A sciendi verò studio senectutis incommoda adeò eum non retardant, ut nihil magis se optare testetur, quam cum Socrate inter canescendum discere, illamq; semper auream sententiam in ore habeat: Καὶ τὸν ἔτερον πόδα ἐν τῇ σαρτῶ ἔχω προσμαθεῖν τι βελούτω. Perire enim cum Plinio Avunculo omne tempus arbitratur, quod studiis non impartitur. Quem virum nisi paupertas bona mentis soror & angustia rerum penè nascentem circumstetissent, & per omnem adolescentiam ad sandapillam usq; comitata essent, aut si nunc redirent anni, quibus iniquior fortuna invidit mansuetudinem studiorum, in excellentium numero non posteriores ferret. Matre porrò natus est Joachimus Catharina Rev. & optimi Viri Dn. M. Joachimi Tegenneri Pastoris quondam in templo D. Petri apud Hamburgenses Vigilantissimi filia. Non arcessam ambiciosè in hanc scenam proavum meum Dn. Theophilum Schuldorpfium ~~senatorem~~ Senatorem quondam Reipubl. Hamburgensis, & multorum votis & sententiis consulem designatum, virum cum virtute & gloria amplissimum præcipuè in hoc ferendum & laudandū, quod summo temperamento potestatem suam fortunamq; moderatus est. A Iudicis verò officio ita abhorruit, ut saepe affirmavit, Deum

B 2

se pre-